



Vniuersa Theologia Scholastica, Speculatiua, Practica

Ad methodum S. Thomæ, quatuor Tomis comprehensa

Tanner, Adam

Ingolstadii, 1626

V. An & qua ratione possint Angeli assumere corpora, & per ea actiones
vitales exercere.

[urn:nbn:de:hbz:466:1-72856](#)

radiorum solis; maiorque vel minor, in eadem media regione acris, eleuatio; tum obseruatio sydereum, & aspectuum, ad eiusmodi tempestates cieras idoneorum; quarum rerum dæmon est scientissimus. Nec impossibile videtur, ut serenissimo etiam cœlo tonitrua à dæmons excitentur, sola conuersione & commotione aeris, ab eodem profecta; sicut nec vt lapis, aut viscosa aliqua exhalatio in altum eleuata, accensa, non accensia; aut etiam particula quedam solius aeris violento motu, fulminis instar, ab eodem in terram eubretur; etiam nulla interueniente alia causa secunda motum ciente.

16 Nec obstat Concilii Bracharense Canon 8. superius assert. i. citatus. In eo enim solum negatur, diabolum eiusmodi tempestates excitare propria sua autoritate; hoc est per se & independenter à permissione diuina, sicut Priscillianus dixerat.

Dixi vero in assertione, dæmonem aliquando à sagis euocatum hoc facere; quia sagæ vtcunque ollam suam commisceant vel affundant, hoc non faciunt, nec quidem per modum applicantis actua passiui, sed vt Sanctus Thomas citat question. 110. articulo quarto ad secundum, ex Augustino lib. 8. 3. quest. 79. dicit, hæc magi per dæmons faciunt; seu per pactum initum cum dæmonie; quia iuxta patrum, externo illo symbolo euocatus, adeat, & postolatum effectum, mediatis causis secundis operatur, vt dictum.

D U B I U M V.

An es quare ratione possint Angeli assumere corpora; & per ea actiones vita exercere.

S. Thom. 1. p. q. 5. 1. 2. & 3.

Habet hæc res difficultatem non parvam, præferrim quando particulatim ad dæmones cum strigibus negotiantes applicatur. Difficulter enim explicari potest assumptio illa corporum tam frequens, tam subita, tam sensu solidam, vt non solum à sagis, velut genuina hominum aut bestiarum corpora, videri & tangi; sed & omnis libidinis cum iisdem exercenda instrumenta esse possint, vii. ex confessionibus sagarum est manifestum; similitratio est bonorum Angelorum, quando ab hominibus contrectari se permiserunt, vt in tribus Angelis, qui apparuerunt Abrahæ, in Angelo Tobiae, & similibus accidit. Quæ res proinde etiam valde dubium habuit Augustinum in Enchiridio cap. 59.

Ratio difficultatis est I. Quia hoc dæmones facere non possunt, nisi vel in septione agitationeque verorum animalium; quod tamen de hominibus aut humanis corporibus, nemo facile dixerit: de aliis bestiis vniuersim nec dixit haec tenus quisquam; nec est ratio afferendit vel per nouam productionem seu formationem phantasticorum corporum, mediante motu aut etiam actione naturalium agentium; vii quidem communiter fieri existimatur.

Cum autem actio hæc omnis fiat, interuenientibus qualitatibus primis, puta calore, frigore, humiditate, siccitate; contemporaneaque secundarum, in primis densitatis & raritatis; quarum actio aut mixtio omnis, quia inter contraria est, successiva est; quia fieri potest, vt momento quasi, omnibusque promiscue locis, hæc omnia à diabolo aut fiant, aut fieri videantur; corporis, inquam, humani figuratum cum ea tot organorum varietate, & distinctione, sine qua corpus humanum, tactus praesertim, & oculorum iudicio, nec videri quidem potest?

II. Aut si hæc omnia ita facile fieri possunt, cur magi Pharaonis non potuerunt suis incantationibus efficere scinches? Exod. 8. v. 18.

III. Cur nullum agens naturale fuit haec tenus visum, quod elementa res in alias in humanam speciem ita subito conformare posset?

IV. Qua ratione Christus à mortuis resurgens, adeo diserte vel ipso tactu verum corpus à phantastico discerni posse docuit? Videte, inquit, manus meas, & pedes; quia ego ipse sum; palpate & videte, quia spiritus carnem & ossa non habet, sicut me videntur habere. Luc. 24. v. 39.

V. Cur ipse etiam cibi assumptione, se verum esse hominem demonstravit? Ibidem v. 43. Hæc sunt, quæ difficultatem faciunt.

Assertio I. Certum dogma est, Angelos, seu bonus, seu malos, vere aliquando assumere corpora, praesertim humanæ figuræ; in quibus appareant. Ita docent omnes Scholastici, cum S. Thoma cit. q. 5. 1. 2. & cum Magistro in 2. dist. 8. excepto Vdalrico, qui putat eiusmodi apparitiones solam fieri per illusionem phantastice & sensuum; & citat pro eadem sententia Albertum Praeceptorem suum, apud Dionysium Carthusianum citat dist. 8. q. 1. cum tamen Albertus in 2. d. 8. artic. 2. & in opere de quatuor coœvis 1. p. quest. 9. artic. 10. & 11. & in sum. tractat. 9. question. 3. 3. expresse docuerit oppositum, vt etiam ex parte notauit ibidem Carthusianus.

Probatur assertio primo ex Scriptura, quæ sapientius eiusmodi corporum assumptionem ab Angelis factam tradit. Ita enim tres Angeli apparuerunt Abrahæ, in specie virili; quietiam comedisse ab eo vidi; ac postea Sodonom ingressi, vulturice flamme nefandum seclusi expiarunt. Genes. 18. vers. 9. & cap. 19. v. 13. Ita Gedeonem Angelus, in humana specie, ad bellum contra Madianitas animauit, & victorianam prædictit, Iud. 6. vers. 14. Ita rufus Angelus apparens Manue, eiusque Vxori, Samonis conceptionem, Philistæorumque intermissionem prænuntiavit, Iud. 13. vers. 3. & 12. Ita Angelus humana specie assumpta, Tobiam iuniorum, in Rages ciuitatem Medorum duxit, & reduxit, visus palam manducare & bibere, Tob. 5. vers. 25. & cap. 12. vers. 19. Ita Christo nato, Angeli exultantes Pastoribus apparuerunt Luc. 2. vers. 9. & 13. Angeli quoque Christi resurrectionem, in vestibus albis apparentes, mulieribus denuntiavunt, Matth. 28. v. 5. Marci 16. v. 5. Luc. 24. v. 4. Ioann. 20. vers. 2. Angeli item duo, virili forma, Christi ad celos ascensum, & furorum aduentum adiudicium

Aposto-

Apostolis denuntiarunt, Acto. 1. v. 10. Item Angelus Petrum ex Hierosolymitano carcere mirabiliter eduxit, Acto. 12. v. 7. 9. 10. Denique Christum malum Angelus humana vtiq; forma indutus, tentauit. Matth. 4. v. 3.

Huius autem generis apparitiones non contigilse per solam imaginationem, seu delusionem sensuum, sed verè ipsa etiam externa specie & forma, ex eo optimè probat Sanctus Thomas citata quæstione 51. articulo secundo, quia visa imaginaria, cum interius peragantur, non promiscue videntur ab omnibus, sed solum ab eo, qui talem habet imaginationem... Idem est, si quis ab Angelo sine obiecto sensibili, externos sensus ludificari posse existimet, sive per impressionem specierum, sine obiecto, sive per transmissionem specierum sensibilium, quæ sunt in phantasia, ad sensus exteriores, qui ab eiusmodi speciebus ita immutantur, ac si reuera à rebus externis ad eos deriuarentur, ut cum S. Thoma in 2. dist. 8. quæst. vn. art. 5. ad 4. fieri posse existimat Gregorius de Valentia disputatione 4. quæstione 2. punct. 2. Quia & tunc ludificatio hæc non fit generativæ ex parte principij alicuius communis, sed particularis, quæ proinde ludificatio, per se & ex suo genere non est, nec esse facile potest communis omnibus. De qua re plura Richardus in 2. dist. 8. art. 2. quæst. 3. & Angles in Floribus super 2. p. 1. quæst. vni. de dæmonibus.

Secundo probatur assertio ex Sanctis Patribus. Ita enim docet Tertullianus in libro de carne Christi, Athanasius serm. 4. contra Arian. Gregorius homil. 34. in Euang. Isidorus libro primo de sum. bono capite 12. Bernardus serm. 5. in Cant. Damascenus libro 2. fid. cap. 3. & 4. vbi cum addit. Φαντασία, non loquitur de interior sensu phantasia, sed de externa apparentia, ut idem sit, quod secundum apparentiam; ut cum Billio recte Valsquez disputatione 184. capite primo. Idem sæpe docet Augustinus præsertim libro tertio de Trinitate, capite 10 & 11. & libro 15. de ciuitate, capite 23. vbi ait: Apparuisse hominibus Angelos in talibus corporibus, quæ non solum videri, verum etiam tangi possent, verissima scriptura testatur: idque adeò multorum experimentis confirmant, vi hoc, inquit, negare impudentia videatur. Nec obstat Epiphanius contra heret. 26. vbi ait: Quomodo potest dæmon, qui spiritus est immundus & incorporeus, corpora assumere? Loquitur enim iuxta subiectam materiam, de corpore vitali, quo vere animistica operationes exercerentur, ut Gnostici fabulabantur.

Ratio sumenda est; tum ex rei possibilitate, de qua infra; tum ex fine... Quamuis enim, vt docet Sanctus Thomas quæstione quinquagesima prima, articulo secundo ad 2. Angeli non indigeant corpore propter seipso, tamen si boni sunt, vt vntur corpora assumpcio propter nos, vt familiariter cum hominibus conuerlando, demonstrent intelligibilem societatem, quam homines expectant, cum eis habendum in futura vita; vel vt sub similitudinibus rerum sensibilium, represententur hominibus intelligentibiles Angeli proprietates, vt dicit idem Sanctus Thomas ibidem ad 2. & articulo 3. ad 1. & 2. aut simili sunt, faciunt hoc, vt sensibili ac familiari representatione sui tanto magis decipient homines, de-

ceptosque in sua potestate retineant, ad exitium sempiternum perducendos.

Assertio II. Assumptio hæc corporum non fit per hypostaticam, aut villam substantialem uniuersum eorundem cum Angelis; aut per solum motum localem, seu coniunctionem nudam eorum in ratione mobilis; sed fit ea corporum assumptio, quatenus Angeli corpora sibi coniunguntur, tanquam motoribus representatis per corpus mobile assumpsum. Ita Sanctus Thomas citata quæstione quinquagesima prima, articulo 2. ad 2. vbi ait: Corpus assumptum unitur Angelo, non quidem ut forme, neque solum ut motori; sed sicut motori representato per corpus mobile assumpsum. Sicut enim à sacra scriptura proprietates rerum intelligibilium sub similitudinibus rerum sensibilium describuntur, ita corpora sensibilia diuina virtute sic formantur ab Angelis, ut congruant ad representandum Angelii intelligentiæ proprietates. Et hoc est; Angelum assumere corpus. Ita Sanctus Thomas, idemque docent omnes Scholastici ibidem vel in 2. distinet. 8. contra Tertullianum loco citato, vbi indicat, corpora hypostaticè assumi ab Angelis.

Ratio est. Tum quia unio substantialis corporis, velut materia cum forma, est impossibilis in Angelis, ut qui sunt formas & substantiae perfectæ & compleæ ex quæstione prima. Idem de hypostaticæ etiam unione verius esse suo loco docetur. 10 part. Tum quia finis & usus eiusmodi assumptionis, non postulat villam substantialem coniunctionem; cum præferti assumptiones illæ ordinariæ non nisi breui admodum tempore durent.

Nec tamen sufficit qualibet corporis coniunctio velut mobilis cum motore; sic enim non rectè dicerentur Angelii in assumptionis corporibus apparet: neque etiam Angelii dicuntur assumere caros, etiam si eos moueant; nec demones assumunt corpora strigum, dum eas transferunt; nec Energumenorum corpora, etiam si ea obsideant & moueant; nec si per magiam efficiant aliqua corpora, aut ea moueant, v. g. immittendo fulgura, concitando ventos, assumi corpora hæc dicuntur ab Angelis, etiam si ab his moueantur.

Necesse est ergo, vt corpus & cum Angelo coniungatur velut mobile cum motore; & vt ob peculiarem aliquam similitudinem per illud, & in eo ipso corpore Angelus representetur, tanquam praesens & inexistentis motor; ita ut coniunctum ex corpore & motore illo dici possit Angelus: sive ob similitudinariam uniuersam materia & forma, vt cum Aureolo in 2. dist. 8. art. 1. docet Suarez hic libro 4. cap. 36. sive quia Angelus ex corpore quasi vestitus ac personatus appetat. Quia de causa nubes aut ignis Iraëlitæ, motore Angelio, præcedens, non dicitur ab eo fuisse assumpsus; sed quidem serpens à dæmons in paradiso, &c. vti etiam hodie hircorum, aliorumque animalium corpora assumere dicitur, quando inter striges appetat; quantumvis hæc unio ad Angelum solammodo dicat respectum rationis, vt ex communī docet Suarez ibidem.

Assertio III. Verius est, ipsum etiam Deum, in vitroque testamento, non nisi ministerio Angelorum apparuisse, ita ut Angelii in assumptionis & à se formatis corrioribus Deum representarent. Ita

Gregorius de Valentia disputatione 4. quæstione 2. punct. 2. Vasquez disputatione 185. & est communior sententia Sanctorum Patrum., in quibus speciatim Dionysius capite quarto cœl. hierarch. Hieronymus in illud ad Galat. 3. Ordinata per Angelos, Cyrus libro octavo thesauri capite 2. Gregorius libro 28. Moral capite secundo, & existit in Augustinus libro tertio de Trinitate capite undecimo, & libro 4. capite vlt. & epist. 102. tametsi contrarium sentiant Eusebius libro 1. demonstr. Euang. capite 5. & libro 5. capite 10. & 11. Chrysostomus homil. 16. in Acta ad illa verba capite 7. Expletū annis quadragesima, & Theophylactus in eundem locum; rati, non omnes huiusmodi apparitiones factas fuisse ministerio Angelorum; quod speciatim etiam de columba, & alijs eiusmodi apparitionibus noui testamenti, docet Auctor operis imperfecti in cap. 3. Matthæi.

12 Probat assertio ex collatione Scripturarum, vt bene deducit Augustinus cit. 11, lib. 3. de Trinit. Nam Exodi 3. legimus, Deum apparuisse Moysi in rubo ignis, & Exod. 19. dedisse Moysi legem; & tamen eadem Scriptura docet, apparitiones has factas esse ministerio Angelorum, Gal. 3. v. 19. Lex per Angelos ordinata est in ministro mediatoris, & Heb. 2. v. 2. Si enim quiper Angelos dicitur est sermo, factus est firmus. Et Stephanus Actor. 7. v. 35. dicitur assertio, Angelum apparuisse Moysi in rubo. Et nihilominus tamen Deus ipse dicitur apparuisse; quia non in persona sua, sed in persona Dei, Angelus in corpore a se formato apparebat & loquebatur; quod in alijs Angelorum apparitionibus non siebat.

13 Ratio est. Quidam hoc ex una parte erat facile. Angelo; siquidem corpora illa non erant viua, sed ex aere formata, ut inferius dicetur; id quod de columba etiam verius est, cum Augustino libro secundo de Trinitate capite quinto, Chrysostomo homil. 12. in Matth. & Caietano part. 3. quæst. 39. articulo 7. probabilius sentit Valentia loco citato, eti post Tertullianum libro de carne Christi, Ambrosium libro de ijs, qui initiantur, capite 4. contrarium sentiat Sanctus Thomas 3. part. quæst. 39. artic. 7. Ex altera parte id magis conueniebat, tum ob maiestatem Dei, cuius personam dignius representabat Angelus, quam sola creatura insensibilis: tum ob consuetam subordinationem causarum mediarij, inter causam primam, & causas interiores, hoc est, Angelorum, inter Deum & homines.

14 Assertio IV. Angelii communiter non assumunt viua aut vera hominum, seu aliorum animalium corpora; sed veris ac viuis externa specie similia; que sibi plerumque ex impuro aere, seu vaporibus & exhalationibus nubibusque aeri admixtis formant; idque virtute propria & naturali. Primam partem ex communis tradit Sanctus Thomas quæstione 51. art. 3. in corp. vbi vniuersum negat, posse Angelos exercere opera vitæ per assumpta corpora. Et in resp. ad 1. supponens, assumpta corpora non esse viua, docet id fieri posse absque fictione: sicut enim non est contra veritatem, inquit, quod in scriptura intelligibilia sub figuris sensibilibus describuntur, quia hoc non dicitur ad astruendum, quod intelligibilia sunt sensibilia, sed quod per figuram sensibilem proprietates intelligibilium secundum similitudinem.

nem quandam dantur intelligi: ita non repugnat veritati sanctorum Angelorum, quod per corpora ab eo assumpta videntur homines viuentes, licet non sint. Non enim assumuntur, nisi vt per proprietates hominis, & opera heminis, sive iuuales proprietates Angelorum, & eorum spiritualia opera designantur. Quod non ita congrue fieret, si veros homines assument: quia proprietates ipsorum ducerent in ipsis homines, non in Angelos. Ita S. Thomas.

Idem communiter docent cœteri Theologiveteres ac recentiores, locis citatis, & pluribus Tyræus libro primo de spiritu, apparit. capite 9. num. 166, Delius libro secundo disquisit. quæstione vigesima octava, sect. 1. & Suarez hic libro quarto, capite trigesimo quinto, post Augustinum in Enchirid. capite 59. & libro 2. de Trinit. cap. 2. & lib. 3. cap. 2. & Damascenum loco citato contra Tertullianum, libro 3. contra Marcionem capite 9. & 11. & libro de carne Christi cap. 6.

Ratio est. Tum quia viua animalia perfecta ab Angelis subito ac de novo fieri non possunt, nec per applicationem quidem causarum secundarum; sicut nec verum corporis humanum, extra vaia naturalia generationi destinata. Tum quia ad proprium Angelis scopum, opus non est viuis aut verisimilis animalium corporibus: quando communiter breui rursum sunt dimittenda. Tum quia Deus tam facile non permittit, vt dæmon, etiam si velit, vera animalia suis Dominis subducatur, aut ijs prolibitu ad sua sacrilegia abutatur.

Quia de causa etiam existimandum non est, posse dæmonem defuncti aliquius hominis cadaver asumere, nisi forte cadaver aliquius hominis damnatus, in casu raro & extraordinario, ut notarunt Tyræus & Delius locis citatis: quod ita etiam fieri posse, & quandoque re ipsa fieri, docet Sanctus Thomas 1. p. quæst. 117. art. 4. ad 2. cum Augustino lib. 10. ciuit. cap. ro. & Chrysostomo homil. 29. in Matth. & sequitur ex communi Suarez hic lib. 4. cap. 37. num. 5. & cap. 35. num. 5. Sic ut etiam verius videtur, serpentem illum, in paradiso, primorum parentum seductorem, à diabolo atsumptum, fuisse verum serpentem; nec incredibile etiam, bestias dæmonem representantes, quibus sagae inequitanes per aera vehuntur, nonnunquam esse veras & viuas bestias; quando, ut refertur, nonnunquam ex eiusmodi transportatione cati ex aere decidere videntur. Sed hæc rarius contingunt: & idcirco in assertione dixi communiter.

Ex quibus etiam sequitur secunda pars assertioris; que ita magis declaratur. Etenim quando corpora ab Angelis assumpta non sunt ipso tactu exploranda, facilissimus & maximè obvius modus formandi & assumendi corpus aliquod est ex impuro aere, seu halitus aeri mixto ad instar nubis condensato; hic enim & magis obvius est, & facile quamvis figuram recipit, ac ad nutum dissipatur. Atque ita etiam speciatim de impuro aere docent S. Thomas quæstione 51. art. 2. ad 3. & Durandus in 2. dis. 8. quæstione 1. item Bonaventura in 2. dist. 8. part. 2. articulo 2. quæst. 2. Richardus art. 1. q. 3. Scotus q. 1. Gabriel q. 1. a. 2. quos sequuntur Vasquez disp. 185. cap. 4. & Suarez hic libro 4. cap. 34. contra nonnullos, qui ex cœlesti materia corpora hæc

assumi docuerunt, in quibus Isidorus lib. 1. de summo bono cap. 10. & Beda lib. variar. q. 9. sed qui bono sensu explicari possunt de aere. Nec dissentunt Alensis 1. part. quest. 34. memb. 4. & Albertus 2. part. tract. 9. quest. 33. memb. 2. & in lib. de quatuor coevis 1. part. quest. 9. articulo 11. nisi quod hi etiam de aere pero loquuntur, quibus locis quando bonis Angelis, fiant Isidorus lib. 1. de summo bono cap. 12. num. 19. & Beda citat, lib. qq. quest. 9. Nec obstat, quod aer, cum sit liquidus, nullius certae figuræ aut coloris tenax est. *Licet enim*, inquit Sanctus Thomas, articulo secundo ad tertium, aer in sua raritate manens non retinet figuram, neque colorem; quando tamen condensatur, *Et figurari, & colorari potest*; *sicut patet in nubibus.*

Quamvis autem Bonaventura, Richardus, Scotus, Durandus & Gabriel locis citatis dicant, condenationem illam fieri sola compressione & motu locali partium intra seiphas, absque alia alteratione; difficile tamen videtur intellectu, quomodo id naturaliter fieri possit sine penetratione. Quare etiam Vasquez disputat. 184. cap. quarto, rem hanc dubiam relinquit. Suarez vero numero sexto concedit, aliquando interuenire alterationem.

Dixi tamen plerunque; quia quando corpora ipsa ab Angelis assumpta durabiliora esse debent, ac ipso sagarum, ut sit, contactu sunt exploranda, verius est, solum aereum halitumque non sufficiere, ut recte Molina question. 51. artic. 2. disp. 2. Delius lib. 2. quest. 2. 8. sect. 2. contra Chirlandum de fortilegiis q. 1. & Angles in 2. d. 8. q. 2. quibus consentire videntur Suarez hic lib. 4. c. 3. 5. num. 8. & Vasquez disput. 184. cap. 3. & 4. qui diuersitatē iater partes assumpti corporis, quoad duritatem & molilitatem, solum referunt in maiorem vel minorem, resistentiam ipsius Angelis respectu tactus; quod in diuturno & vario attachu eiusdem corporis videtur difficultimum, & moraliter impossibile.

Verius est igitur, eo casu, præter aerem, inungendam præterea aquam, terram, luctum, sulphur, resinam, lignum &c. force etiam accidunt quandoque à cadaveribus animalium damnatorumque hominum ossa; ut etiam subinde verum à brutis homineum decimus semen, iuxta S. Thomam quest. 51. art. 3. ad 6. aliaque similia, è quibus inter se vt unque coaguntur, iunctisque multo facilius citiusque dæmon, etiam sine alia diurna actione, alteratio neque physica, speciem humani corporis configurare potest, quam ex præsupposita materia, vili dexterrimi artificis cuiusq; manū, ut recte citati. Plura de hac formatione Alensis 2. part. quest. 43. membr. 3. art. 1. & Gabriel in 2. d. 8. quest. 1. artic. 2. & 3.

Tertiam partem cum Alberto & Bonaventura loc. citat. tradit Vasquez disp. 184. cap. 4. & Suarez lib. 4. c. 37. à nu. 7. contra Alensem 1. part. quest. 34. membr. 5. & ut appareat S. Thomam hic q. 51. art. 2. ad 3. ubi ait; *Et sic Angelis assumunt corpora ex aere, condensando ipsum virutem diuinam, quantum necesse est ad corporis assumptioni formationem.* Quod ita etiam tradit Petrus Bergomus in Concordant. dub. 117. Ratio est. Tum quia alias conuenientius quodammodo Deus per seipsum ea corpora formaret,

præsertim quando ille ipse met in eiusmodi corporibus apparet. Tum quia cum sepius mali Angelis corpora assumant, idque ad fines pessimos, non est credibile, Deum propria virtute & speciali concursu illa formare: imo Suarez loc. cit. putat id esse impossibile, & plane alienum à diuina bonitate. Denique non appetat, cur id naturali virtute Angelorum fieri non possit, vt ex dictis colligatur; nisi forte in extraordinario casu tam perfecta & eximia corporis formatio fiat, tantaque membrorum soliditate & pulchritudine, vt vires Angelicas plane excedat; ut fieri posse, & forte factum esse in Angelo Gabriele, alius Angelis, qui apparuerunt Abraha, vel Iacob, & Tobiae, concedit Suarez cit. cap. 27. num. 8. vbi etiam in eundem sensum S. Thomam non incommode explicat, quā S. Thomas, de bonis miri Angelis solum locurus, dicere voluerit, *quoad opus est, virtute dinina. &c.*

Assertio V. Non possunt tamen Angelini naturali virtute tam perfecta efformare & assumere eiusmodi hominum aut animalium perfectorum apparen-
tia corpora, quin à veris plurimum distent; nec dif-
ficiliter adeo, præsertim accuratiōri tactus experi-
mento discernantur. Colligitur ex Sanct. Thoma
question. 54. artic. 3. ad 2. & tradunt communiter Doctores locis citatis, speciatim Vasquez dispu-
tat. 184. cap. 2. & Suarez hic lib. 4. cap. 35. num.
10. & optime Caetanus 2. 2. questio. 95. articulo
tertio, vbi speciatim de demonibus loquens, his
verbis rem explicat: *Frequenter accidit, inquit, ut cum
demones in assumptionis corporibus humanis apparent vigilan-
tibus, conuersentur cum eis familiariter, colloquen-
tes & concubentes; quandoque etiam munera vera of-
forentes eidem. Non enim habent veras carnes, & vera
ossa, (nisi forte aliunde ascita, ut dictum) nec mem-
bra; sed carne & membrorum similitudinem, non so-
lam visibilem, sed palpabilem & solidam, ita ut sentiantur
tanquam humana personæ, ut à multis fide digni,
ex propria experientia narrantibus audiri.* In dubio
tamen deficere ab humanis percipi corporibus. Primo in
temperamento carnis. Nam confessus est ipse mendacius
pater, cum eius caro, quasi glacialis, mole & effusus tactus
humana carnis, se non posse melius facere. Non potest
enim sic commiscere naturalia, absque vera generatione
hominis, ut carnem humanam efficiat. Et similiter ratione
non potest semen humanum efficiere, propter perfectio-
nem horum, & similiūm effectuum, requirentium pro-
pria naturalia actus perfecta. Et ex hoc patet, quod ve-
risimum est, quod Christus post resurrectionem suam dic-
it, *Palpate & videte, quia spiritus seu dæmonum car-
nam & osa non habet.* Ioann. 20. & Luc. ultimo. Se-
cundo (deficit corpus à dæmonie assumptum) in
delectatione tactus & concubitus. Est enim tanto per-
sonarum humanarum commixtio naturalis delectabili-
or, quanto verum excedit verisimili. Ita Caetanus.

Et ratio est; quia ars perfecte naturam exprimere non potest, præsertim quoad eiusmodi effec-
tus tam perfectos, & miram contemperationem
partium corporis viventis, non solum quoad qualitates primas, sed etiam secundas, ut densitatem, rati-
tam, duritatem, mollicitem, levitatem, asperitatem,
colorem, odorem, &c.

Taceo, quod ut ex Alexandro ab Alexandris lib. 4. genial. cap. 19. Rhodigino lib. 16. lect. antiqu. & Remigio lib. 1. dæmonolat. docent Binsfeldius de Confess. malef. prælud. 12. Delius lib. 2. q. 28. fecl. 3. & Suarez hic lib. 4. cap. 35. plerunque effigiem humani corporis à diabolo assumptam, parte aliqua appare remancam, aut monstrorum, insigniterue horridam, vocemque stridulam, obscuram, confusamque; velut è dolio fractae olla prodeuntem.

21 Assertio VI. Angeli per assumpta corpora non exercent villas veras actions vitales & animasticas: adeoque proprie nec comedunt, nec generant, nec loquuntur, nec ambulant; et si opera vitalibus his actionibus similia exerceant. Ita S. Thomas q. 51. a. 3. corp. & ad 2. 3. 4. 5. 6. Caetanus, Molina, & omnes Commentatores ibidem; item Vasquez disput. 186. cap. 2. & Suarez hic lib. 4. cap. 38. Et prima pars est communis Doctorum in 2. distin. 8. Ratio est. Quia ad operationem vitalem, qua per cor prius exercetur, (de qua solulo in praesenti sermo est) requiritur, ut sit à principio vitali intrinseco & substantialiter coniuncto ipsi corpori, per quod eiusmodi operations exerceantur: quod in praesenti non sit, quia Angelus non est substantialiter coniunctus corpori; nec corpus ipsum, cum sit expersa vita, habet villam potentiam vitalem, nec villas actions, quæ recipiantur in subiecto viuente à quo procedant.

Secunda parti contradicunt quidem nonnulli Doctores, sicutem quoad modum loquendi. Etenim Alensis 2. part. q. 35. memb. 2. Scotus in 2. dist. 8. q. vn. & fere Gabriel q. 1. art. 3. dubit. 2. docent, Angelum in assumptione corpore vere posse comedere; sed cum S. Thomas verius negant Bonaventura, Richardus, & alii Doctores communiter in 2. dist. 8. & Scotus ipse in 4. dist. 45. q. vn. art. 5. & Clitowæs in Damasc. lib. 2. cap. 3. E diuerso Bonaventura, in 2. dist. 8. part. 1. art. 3. q. 2. Angelis tribuit verum motum progressuum & ambulationis, quod cum S. Thomas verius negant Scotus in 2. cit. dist. 8. adeo, ut etiam secunda illa pars sit communior inter Scholasticos; quamvis ut notauit Gregorius de Valentia hic disp. 4. q. 2. pun. 3. haec fere tantum sit questionis nominis, de qua non magnopere etiam disputatione censuit Augustinus lib. 15. de ciuit. cap. 22.

22 Ratio est. Quia comedere, generare, loqui, ambulare, seu motu progressu moueri, proprie non significant meram actionem transirentem, secundum se & materialiter acceptam, ut est V. G. sumptio & traiectio cibi, producendo qualiscunq; substantia viventis, formatio alicuius soni in aere, motus localis; sed significant has actions cum modo vitali, atque adeo ut procedunt à principio vitali intrinseco & substantialiter coniuncto; quod in Angelis deest, ut dictum. Alioquin enim etiam ventus, dum casu format sonum articularem in aere, loqui diceretur: & ignis aut mare comedere cibum, quem ad interiora recipit, & transmitit. &c.

23 Ex quibus facile patet tertia pars assertionis. Quia ut iuxta S. Thomam loc. cit. recte notarunt Vasquez & Suarez locis citatis, duo sunt genera actionum vitalium; unum earum, quæ etiam secundum se & substantiam suam non possunt esse nisi à principio vitali, ut sunt operations sensuum: alia, quæ secundum substantiam ipsam, seu quoad suum terminum materialiter spectatum, non sunt vitales, nec adeo requirunt principium vitale; sed solum sunt vitales quasi quoad modum seu specificam rationem, ut sunt illæ, quas diximus; nimis locutio, deambulatio, manducatio, itemque risus, fletus, & fere generatio. Prioribus non possunt Angeli similares actions producere; quia cum etiam quoad substantiam sint vitales, nulla actio non vitalis potest illis propriæ esse similis. At vero actionibus posterioris generis, possunt Angeli interueniente motu locali similes actions producere; ut alissione aeris ad corpus, certo modo conformatum, vocem locutionis similem producere; item in assumptione corpore, moto illo pedum simulacro, motum animalis progressioni & ambulationi similem conformare; cibum quoq; factitio ore sumere, ac masticare, & quasi per fauces in viscera, seu interiora corporis assumpti traicere; multo etiam artificiosius omnia hæ representando, quam olim caput Buconis loquela, aut Architæ columba volatum repræsentavit; cum tamen interim in his nec sit vera locutio, nec vera ambulatio, nec vera manducatio, ut dictum. &c.

24 Paulo diuersa est ratio generationis animastica; cuius terminum etiam secundum se & materialiter spectatum, cum Angeli proprie ac per se efficere non possint, sed solum per accidentem, applicando actua passus, idcirco nec ipsi proprie ac per se exercere possunt actum generationis, aut generationi re ipsa similem; sed solum exterius per motum localem applicando actua passus, nimis semen à viro acceptum transfundendo in matrem mulieris, causa esse per accidentem generationis; ita quidem, ut etiam inde proles generetur, quæ tamen non propterea demonis, sed hominis qui semen emisit, & feminæ que recepit proles sit, ut post Augustinum, lib. 15. de ciuit. cap. 23. & lib. 3. de Trinit. capit. 8. recte S. Thomas cit. q. 41. a. 3. ad 6. Bonaventura, Scotus, Carthusianus, Gabriel in 2. dist. 8. Castro lib. 1. de iusta hæret. punit. c. 16. Medina in 1. 2. q. 72. artic. 1. & Suarez hic lib. 4. capit. 38. num. 10. & alii.

Atque hæc causa est, cur Angelus Tob. 12. v. 19. dixerit: *Videbar quidem vobis cum manducare & bibere, sed ego cibo iniusti & potu eter.* Abraham autem Genes. 17. cum cibos offerret Angelis, eos Angelos esse needum cognoverat; in quibus tamen Deum venerabatur, scilicet Deus esse in Prophetis, ut post Augustinum. 16. de ciuit. c. 29. dicit S. Thomas cit. artic. 3. ad 5. Alia ratio fuit Christi Domini, qui cum post resurrectionem cibum vitalibus organis, veraque actione vitali assumperit, atque ad mortuorum transmisserit, vere ac proprie comedit, ramet eum non concoderit, aut in suam substantiam converterit; quod ad propriam manducationem minime requiritur, ut haber communis cum S. Thomas cit. a. 3. ad 5. & pluribus persequitur Suarez hic lib. 4. cap. 38. num. 17. & 18.

Ex quibus fere etiam colligitur responsio ad difficultates & rationes dubitandi initio propositas. Ad primam enim patet solutio ex assert. 4. & 5.

Ad 2. de Magis Egyptiacis respondet, eos non potuisse ope demonis efficere scimiphæ, siue defensu dispositionum naturalium, siue potius Deo impediente. In quem sensum Augustinus lib. 3. de Tri-

nitat. cap. nono ait: *Neque enim occurrit alia ratio, cur non potuerint facere minutissimas muscas, qui ranas serpentesque fecerunt, nisi quia maior aderat dominatio prohibendi per spiritum sanctum; quod etiam ipse magi confisi sunt, dicentes, Dignus Deus est hic.*

²⁷ Ad 3. ex comparatione agentium naturalium petitum, Respondebat Angelos ad hanc corpora effigienda multo maiori facultate pollere, quam villa alia agentia naturalia vel artificiosa: obivis singularem motinam, & penitissimam cognitionem rerum naturalium, ut dictum ait. quarta & quinta.

Ad 4. pater ex ait. 5. responsio. Siquidem tactus experientia moraliter certum, & evidens esse poterat, corpus Christi reduiui, verum & naturale corpus esse, ut recte etiam post Caietanum. 2. 2. q. 9. 5. articulo. 3. Vasquez citat, disput. 184. cap. 2. num. 12. & Suarez hic lib. 4. cap. 3. 5. num. 11. & 12.

²⁸ Ad 5. Respondeo, solum quidem per se ipsum non fuisse sufficiens signum veritatis naturalis corporis; sed aliis tamen signis additum merito augere, poterat eiusdem reduiui fidem. In quem forte sensum etiam Sanctus Thomas 2. part. quæst. 5. articulo sexto docet, singula illa argumenta resurrectionis per se non fuisse sufficientia, bene tamen coniuncta cum testimonio Prophetarum. Quanquam aliud est resurrectionis, aliud absoluta presentia veri & viui corporis, &c. Sed de hac re suo loco plura.

D V B I V M VI.

An & quare ratione Angeli generali ordinem & statum huius mundi immutare, causarumque naturalium efficientiam suspendere vel impedire possint.

S. Thomas 1. p. q. 110. 2. 7. & 2.

Non agit quidem hac de re Sanctus Thomas ex instituto his locis; at quia tamen ad multa explicanda necessaria est, quæ diabolus per striges aut magos factitare videtur, faciendo V. G. ut magi redditant invisibles, vt ignis subiectum stramen non comburatur, &c. opera pretium est eam breviter explicare.

Assertio I. Non potest Angelus substantiali statum huius Vniuersitatis destruere, aut Vniuersalem seu essentiali rerum naturalium ordinem immutare: quare nec potest vacuum, aut penetrationem corporum efficere, nec colum aut stellam aliquam ad terram detrahere; nec terram Vniuersam ad colum attollere, aut suo loco dimouere; nec Vniuersalem elementorum situm peruertere; aut integrum aliquod elementum destruere; nec solis astrorumue cursum turbare; nec lumen praesentis solis sine medio intercipere; nec influxum.

cœli impetrare; nec intrinsecas & naturales rei proprietates tollere; adeoque nec naturales causarum naturalium actiones, positis omnibus ad agendum requisitis, impetrare: solus Deus negotio concursu necessario suspendere eas potest. Ita supponunt passim Theologi, vbi de his rebus agunt; in primis Sanctus Thomas 3. p. quæst. 13. articulo secundo, vbi etiam anima Christi talam potestatem negat, secundum propriam naturam & virtutem, siue naturalem, siue gratuitam. Ethic 1. p. quæst. 110. articulo. 2. negat materiam corporalem obedire Angelo ad nutrum. Quibus locis idem docent Theologi, speciatim Suarez ibidem & Metaph. disputat. 19. sect. 1. num. 14. & disput. 43. sect. 4. & hic lib. 4. cap. 27. num. 6. vbi ait: *Cum ordo uniuersitatis Dei legibus definitus sit, Angelus simpliciter uniuersitatem inuertere non valet.* Eandem doctrinam habent Guilielmus Parisiensis in 2. part. de Vniuerso, Albertinustom. 1. quæst. 1. coroll. 2. & Delius lib. 1. & 2. disquisit.

In eundem sensum Augustinus lib. 3. de Trinit. cap. 7. & 8. ait: *Non est putandum, isti transgressoribus Angelis, ad nutrum seruire hanc visibilium rerum materiam, sed Deo potius, à quo hæc potestas datur, quantum in sublimi & spirituali sede incommutabili sit iudicat.* Et cap. 9. *Aiud est, inquit, ex infimo at summo causarum cardine condere arque administrare creaturam; quod quis facit, filius creator est Dei.*

Ratio assertoris est. Quia quædam ex his superant naturalem virutem, omnis agentis creati; quædam, et si forte non superent; tamen iuxta constitutionem legem & ordinationem Dei, de statu Vniuersi huius conseruando usque ad finem mundi, iuxta promissum illud factum ad Noe Genes. 8. vers. 22. & cap. 9. vers. 11. & 13. Angelis non permituntur; vt V. G. sistere colum, aut cursum solis, vel astrorum perturbare; quare etiam colos mouere dicuntur per modum naturæ. Et convenientissimum erat vt status & ordo Vniuersalis mundi soli authori Deo subiaceret; sicut Vniuersalis regni status à solo Rege dependet, qui solus etiam Vniuersales regni leges fit & refigit.

Quanquam idem Augustinus ibidem inferioris sentiat, difficillimum esse, particulatim definire, quid Angelii per naturam possint, & Deo prohibente non possint. Ait enim: *Quid autem possint per naturam, nec possint per prohibitionem, & quid per ipsius natura sua conditionem facere non sinantur, homini explorare difficile est; imo vero impossibile, nisi per illud donum Dei;* quod Apostolus commemorat dicens; *Alii diuidiatio spirituum. Novissimus enim hominem posse ambulare, & nequam hoc posse, si non permittatur; volare autem non posse, etiam si permittatur. Sic & illi Angelii quædam possunt facere, si permittantur ab Angelis poterioribus ex imperio D. E.;* quædam vero non possint, etiamsi ab eo permittantur; quia ille non permittit, à quo illis est talis natura modus, qui etiam per Angelos suos & illa plerisque non permittit, qua concessit, ut possint. Ita Augustinus.

Nihilominus, quia Angelii ad extrahibile possunt efficere, nisi motum, aut quod ex motu naturaliter sequitur, vt superioris dictum, facile est intelligere,

ab iis